

續修四庫全書



《續修四庫全書》編纂委員會編

續修四庫全書

上海古籍出版社

三九〇・史部・紀事本末類

明史紀事本末補遺六卷	〔清〕谷應泰撰	一
虞淵沉不分卷	〔清〕吳偉業撰	四九
續編綏寇紀略五卷	〔清〕葉夢珠輯	一〇九
清史紀事本末八十卷	黃鴻壽撰	一五一
國朝大事記十二卷	〔清〕金象豫撰	三〇五
平定羅刹方略四卷	〔清〕佚名撰	四〇七
臺灣鄭氏始末六卷	〔清〕沈雲撰 〔清〕沈垚注	四三三
靖海志四卷	〔清〕彭孫貽撰 〔清〕李延星補	四七一
靖海紀事二卷	〔清〕施琅撰	五二七

2285/10

明史紀事本末補遺

〔清〕谷應泰撰



據浙江圖書館藏清光緒三年傅
氏長恩閣抄本影印原書版框
高一七二毫米寬二一四毫米



明史紀事本末補遺



明史紀事本末補遺



明史紀事本末補遺目錄

卷一

遼左兵端

卷二

熊王功罪

卷三

插漢冠邊

卷四

毛帥東江

卷五

錦衛戰守

卷六

東兵入口

明史紀事本末補遺目錄

一

大興傅氏長恩閣鈔本

遼左兵端

明史紀事本末補遺卷一

神宗萬曆元年二月遼東總兵李成梁請募兵六萬其地北界王果東隣兀堂去鐵陽三百里自是開原撫順清河鐵陽寬奠並有市諸部落俱利交易遼約東無敢跳者自撫順開原而北屬海西者王台制之自清河而南抵鴨綠江屬建州者兀堂制之地本古肅慎國漢曰挹婁元魏曰勿吉隋唐曰靺鞨遼宋曰女真永樂中把婁來歸歷代或撫或用兵其後王台益強能得衆居開原東北貢市在廣順關地近南樞南關送加奴仰加奴居開原北貢市在鎮北關地近北稱北關開原孤懸扼遼肩背東兀堂西恍惚太常謀窺伺中國而台介東西開捍蔽令不得合最忠順東睡晏然三十年王台有力焉

明史紀事本末補遺卷一

一

二年十一月建州部王果犯清河誘殺裨將裴承祖等督撫張學顏總兵李成梁鼓行而前直搗紅嶺寨斬首千餘級獲畜馬無算

三年十一月王果復犯邊副總兵曹蓋擊敗之果遁去曹蓋諜知果匿阿哈納寨勒精騎馳赴之果偽以塔掛紅甲授阿哈納脫身走將投土蠻會撫順關賈市夷急購果乃走王台所台素善果開原兵備道賀泰遣使諭之台遂與子虎兒罕孰早送境上檻車致京誅之時台官已都督授以龍虎將軍秩二子並進都督僉事台所轄東盡灰扒兀刺等江南盡清

大興傅氏長恩閣鈔本



河建州北盡進仰延表幾千里

八年十二月建州王兀堂犯較陽寬奠復入犯永奠李成梁逐北出塞二百里至鴨兒堡得級七百五十餘已而兀堂復以千騎從林剛谷入副總兵姚大節追奔至葛祿寨兀堂遁伏自此浸衰弱成梁晉爵圖遠伯

十年王果子阿台役稱兵初王台既執送王果子阿台服之台叔王忠又戮北關祝孔輩孔輩子逞加奴仰加奴亦服台台以女妻仰加奴那翼之已逞仰結昏西虜哈屯恍惚太勢漸張侮台老台子虎兒罕好殘殺逞仰遠叛去阿台亦怨王台之縛其父叛附逞仰各部皆雲翔不受約東南關勢壓台竟憂死上嘉其忠特賜諭祭已而台孽子康古陸與虎兒

明史紀事本末補遺卷一

二

罕爭關逞仰助之虎兒罕借兵西虜黃台吉黃台吉陽助罕實陰收其部落白虎赤等虎兒罕尋亦死阿台報逞仰誘土蠻數侵孤山鐵嶺間置達伯李成梁勒兵出塞別將秦得倚馳而北李平胡馳而南大破台於曹子谷得級一千三百餘獲喜樂溫河衛指揮使印九月阿台復糾眾大舉一從靜遠堡一從上榆林堡入前至瀋陽城南渾河李成梁馳虎皮驛援之阿台方擁千餘騎蹂躪撫順邊渾河口徐行去成梁勒兵從撫順王剛谷出塞百餘里直搗古勒寨寨陟峻三面壁立塹壑甚固成梁用火攻衝其堅壁兩晝夜阿台中流矢死而別將秦得倚等已前破毛憐衛阿海寨誅海海故住牧莽子河與阿台相濟為虐亦果遂也巡撫遼東都御史李

松大將軍李成梁帥兵討北關逞仰設計盡殲之初逞加奴仰加奴與白虎赤西借埃兒恍惚太等部率騎萬餘闖王台孫猛骨李羅並虎兒罕子多爾寨日尋於關時逞仰方用兵阿台不暇及總督周詠因多爾寨猛骨李羅嗣立眾未附請加初以便彈壓報可而十二月逞仰二奴乘冰堅復糾眾攻猛骨李羅大據把吉諸寨巡撫李松再宣諭逞仰益驕挾請貢初於是定計李成梁伏兵圍城去開原四十里都御史生南樓上先期命參將李圖宿振武等夾四隅伏道備禦霍九卓往諭約軍中曰如賊入圍聽撫則張幟為號棄甲勿起不者聞砲聲即鼓行而前如令亡何逞仰擁精騎三千餘到鎮北關請賞以三百騎詣關門頗橫恣目白虎赤奴砍霍九卓

明史紀事本末補遺卷一

三

反擊一人墮馬餘賊攢殺營兵十餘人軍中砲響伏盡起逞前新逞加奴仰加奴及白虎赤逞加奴子几孫李羅仰加奴子哈兒哈麻職焉十五年八月巡撫顧養謙奏言海西南關乃開原藩蔽仰逞餘孽乃南關仇敵今相侵凌宜勦以杜後患從之初王台孽子康古陸奔逞加奴乘虎兒罕歿即來歸妻其父妾溫婦分海西業與兄子猛骨李羅多爾寨足立會逞仰既被殺逞加奴子卜寨仰加奴子那林字羅日夜圖報父仇西連恍惚太等侵擾海西多爾及數人咸遠安靜堡而那林字羅尤猖悖挾賞索貢初如逞仰時古陸故仇虎兒罕思甘心多爾遂為北關內應約多爾部屬阿台卜花反攻多爾據其資富而猛

骨李羅以母溫姐故亦助康古陸收互商妻協謀攻之開原兵備副使王斌檄恭時李宗召遊擊黃應奎勒兵出不意笑執溫姐康古陸已念殺溫姐則猛骨攜釋之止因康古陸待命而猛骨竟為北關脅誘從那林夾攻互商因自焚其巢往十八寨並叔溫姐去巡撫顧養謙以降丁一人為鄉道引兵赴之暨那猛壘而陣猶負固不下養謙督將吏殊死戰拔其二柵斬首五百餘級始窮蹙請降乃釋之

十六年十二月宣遠伯李成梁從威遠堡出塞卜寨棄其師入那林李羅壁成梁縱兵直抵城下發大砲擊堅城盡裂中輒洞胸卜那窮蹙乞哀開原兵備副使成遊並釋康古陸以存互商進卜寨那林諭之並服遊令互商以叔事康古陸

明史紀事本末補遺卷一

四

以祖母事溫姐古陸病且死感國家不殺恩屬溫姐猛骨李羅無負天朝尋溫姐亦相繼死遂令北關之卜寨那林南關之猛骨互商面相結釋憾並請貢

十七年建州遣使請貢且以斬叛卻克五十聞建州主名哈赤父塔失王果女孫塔也先是李成梁籍之克阿台死於兵時建州主兄弟入中國後海西南北關更相仇殺而連把孩伯言把都等復跳梁於西成梁勢不能東西奔命遂復建州以殺海西毛憐之勢而建州主乃還國收集舊部生聚教訓陰有併吞諸部之志尋出兵擊互商約昏罷兵漸取張海色失諸地勢坐大至是遂晉秩都督

十九年互商死猛骨李羅請補雙貢卜寨那林李羅請復都

大興傅氏長恩閣鈔本

督許之先是卜寨以女許互商那林李羅妻則互商姊也互商嗜飲多殺戮眾稍貳一夕往卜寨受寶因過那林視姊中途那林卜寨陰令其部擁思哈射商陸乃歸罪擁思哈執之以獻總督侍郎却傑謂互商與那林有夙怨令射死中道情甚隱難深求請泉擁思哈示法互商子登台住等並幼依外家所遺部落並初百三十七道暫屬猛骨俟成立議給於是猛骨補雙貢而那卜亦以有偵探功併請復都督許之自此猛骨李羅修貢唯謹然南關勢益孤且弱入日與北關尋兵卒至於亡

二十三年總督侍郎張國彥奏稱建州統率三十二部保塞晉爵龍虎將軍

明史紀事本末補遺卷一

五

二十九年建州請補雙貢時海西漸微弱建州方欲乘時圖之而北關那林李羅與南關猛骨李羅日酣於關猛骨不能支以子女質於建州求援那林怒布飛語煽之建州遂執猛骨置寨中盡獲其資并猛骨妻三人中國遣使問故乃歸猛骨以子草把庫及其部落百二十家以女猛骨長子吾兒忽答於是撫忽答保塞那林李羅亦願歸所據勅書六十道請補雙貢如故事然忽答益微不能自立南關不絕如綫旁部益折歸建州矣

三十三年三月遼人在京者求宣遠伯李成梁復鎮輔臣沈一貫以聞乃命成梁為前將軍鎮守遼東先是成梁既老于如松襲職總兵驍勇敢戰累立顯功二十四年土蠻等部闌

大興傅氏長恩閣鈔本

大興傅氏長恩閣鈔本

入塞如松恃勇將輕騎襲之中伏敗沒晚將李平胡張玉等皆死自是煖兒妙化等出沒遼陽廣間邊將不能制乃復起成梁守之時成梁年已八十十一月議徙寬奠新疆民居六萬餘口入內地棄新疆為瓠脫即元年成梁所築六堡也時建州勢坐大漸逼寬奠成梁再出鎮乃有此議已而建州主與其弟速兒哈赤先後請金繒即於駿陽清河諸沿邊田土灘派給之總督蹇達巡撫趙楫及成梁等俱以招回華人叙功

三十四年六月遼東總兵前將軍(宣)遠伯李成梁卒子祭葬十月兵科給事中宋一韓奏成梁及巡撫趙楫棄地啗敵時建州遣使問清河沿邊來直復入送車價語輕中國邊吏倉皇請兵設防故兵科有是奏

明史紀事本末補遺卷一

六

三十五年十二月巡按遼東御史蕭(通)言建州聯西虜煖兒伯締昏忽刺溫借糧朝鮮營勢巨測誠購那林李羅與合兵發五路以逼西虜協薊兵以雄內地諭朝鮮以防外逼內外夾攻如昔年取仰運事亦消患之策也

三十六年三月禮部言建州統衛所二百有四城站五十八貢市自開原十月入關如次年正月不至邊城例請遷定奪今自三十二年建州海西入貢直至今日矣遼東鎮撫稱其併毛憐兼海西南關諸部而有之惟北關那林李羅金台失竭力死守苟延旦夕又聞其飾名珠捐重寶以通北虜此其志不在小遼東戰士不滿八千而建州控弦之騎三萬思之

大興傅氏長恩閣鈔本

可為寒心宜詰所以違貢者何故十二月建州遣使修貢如例

三十七年二月巡按遼東御史熊廷弼奏前巡撫趙楫總兵李成梁棄寬奠六城延袤八百里概作逃民因極言遼左危急五月建州兵萬騎修南關故壘又以七千騎進屯廣順關靖安堡尋引去復搆西虜宰賽煖兒等窺開原熊廷弼請募兵厲械收宰賽以孤其援已而建州自願減車價還張其哈刺佃子故地廷弼言舊鴉鵲關與橫江未歸宜如前議剪其翼而嚴為備而科臣請釋建州為外懼姑置侵地先許貢散(肅)東方上從之

三十九年十二月建州主殺其弟速兒哈赤遣兵侵兀哈諾

明史紀事本末補遺卷一

七

部及其婿江夷卜台吉卜台吉急率所部投北關建州又嘗議昏於北關老女北關不肯由是屢興兵攻金台失白羊骨時那林李羅新死金台失幾不支

四十一年三月建州並望南關曠土圍窺併糾宰賽煖兒亥介兒兒等二十四營盡甲馳清河間遼東告急亡何遣使千骨里來詔北關置驛狀言不肯漢願順子為信巡撫張濬信之遣官籍大成往諭時建州意圖北關恐中國援之為虞兵計乃以第七子已卜海入撫順關願留質廣(濬)濬修其功上之且言北關貪來詔之利誘臣卜台吉建州富強遼東人久為所用此未可以虛聲啗奈何勞兵置餉為北關守老女道壻且北關為我守二十餘里之邊建州為我守九百餘里之

邊建州失人增遼陽九百里邊患是謂無策然是時質子甫入而建州已發兵圍燒金台十九寨兵部以質子真偽難辨留之恐見結不如遣還從之十月北關來告急總督薛三才巡按張五典疏爭失策請令總兵麻成惠曹文煥分兵屯開原觀其變御史翟鳳翀亦言建州意不在塔與女特借負匿兩端為北關罪似不必違其不注意之兩事強北關以必從使中國名污而體衰今北關勢且不支宜急款以完開原請令麻成惠屯瀋陽而分別時駐清河撫順以壯聲援朝議從之乃發火器兵三百人助北關居守並給以芻糧饗具時北關苦饑部落畔去甚眾至是始有固志建州兵尋引去四十二年三月建州復壘前罷耕地開原奏議薛國用奏之

明史紀事本末補遺卷一

八

會巡撫都御史郭光復新至遼援兵漸集先復乃遣修養性往牀以利害仍從約退地定界立滿字碑界上有部落盜難陽馬即戮之碑下以示恭順

四十三年三月建州復修貢如例初建州遣使入中國嘗多至千五百人索車價傷驛卒至是僅十五人五月北關白

羊骨以老女婚煖兒子羊骨兒大建州兵三千屯南關然恐撫順清河之特其後按兵不動

朝鮮建州移書稱後金國汗黃衣稱朕指中國為南朝

四十六年四月京師宣武門至正陽門三里水赤經月甲辰建州詳令部落赴撫順市而以勁兵踵其後還突入城中軍千總王命印把總王學道唐綸死之遊擊李永芳中軍趙一

大興傅氏長恩閣鈔本

鶴以兵五百九十人降乙巳分兵下東川馬糧中三堡殺守堡官李弘祖執馬鞍山守備李大成巡撫遼東都御史李維翰貪而寡謀急遣總兵張承胤援之承胤知敵方銳叩門求一見維翰不得倉卒分兵五路至撫順翰復遣紅旗催戰建州兵三路陽退誘承胤前以萬騎夾擊承胤敗沒遼陽副總兵顧廷相遊擊梁汝貴突圍出見失帥仍陷陣死之全軍覆沒建州因以漢字傳檄清河時寧陵屯遼河西岸剿化屯鎮靜邊外虎坡免慙傳詞恫喝東西馳動報至舉朝震駭輔臣方從哲薦舊撫楊鎬仍兵部右侍郎兼叅都御史經畧遼東鎬本庸才萬_里二十五年援朝鮮未見敵奔潰輔臣沈一貫掩其敗狀以投聞至是益老且懦識者知其必敗特起前

明史紀事本末補遺卷一

九

夏總兵李如柏為前將軍徵廢將杜松屯山海關劉綎柴國柱等赴京調用廷議發帑金百萬濟師上以內帑無措止許十萬竟不時發閏四月建州令歸漢人張儒紳等致書議欺自稱可汗備言七宗恨事大畧言祖父被害背盟護北關嫁老女三岔柴河退壘諸事五月丁未建州兵下撫安三岔白家衝三堡會大雨河水泛漲乃退出境經畧楊鎬兼程受事李維翰奪職去鎬兼攝巡撫杜松劉綎兵出關給同金六萬兩市戰馬南京大理寺丞董應舉上言閏四月二十八日二十九日五月朔日水盆仰照見日旁黑氣游移忽入日中日光轉暈不定旋為黑餅蓋日上不盡日光奄奄如紫臣考李_高風王_麻通政占曰黑日與日對外國乘華一曰日出入

大興傅氏長恩閣鈔本

大興傅氏長恩閣鈔本

時有黑日掩日化外侵中國掩盡則禍不可言 六月建州
兵攻開原鐵嶺衛告警乃警秒化等犯長勇堡 七月建州
兵從鴉鵲關入逼清河堡在山巖中號天險獨東隅稍平
戊卒五千二百五十人督臣以地重遣遊擊張沛率兵三千
助之至旬日見攻沛議乘夜掩其不備裨將凌雲程亦請戰
泰將鄒諸賢謂敵眾我寡不如固守待援建州兵戴板屋進
攻自寅至未不退墮東北角守兵飽不繼因積尸上城沛戰
死儲賢退見李永芳招之亦大罵赴敵死三岔至孤山並遣
焚燬清河民兵萬人皆沒時援兵俱在數百里外獨泰將賀
世賢自駿陽馳赴之克一柵斬百五十級 九月建州兵五
千騎由撫順關入總兵李如柏率遊擊尤世功等馳瀋陽拒
却之已復從撫順入會安堡殺掠千餘而去楊鎬諭北關失
攻之北關觀望不敢發巡按御史陳王庭運南關舊裔王世
忠往說胎以千金且曰虎墩免慈輩能立功行得厚賞也
十月慧見東方長竟天五十日始滅 十一月北關金台失
以襲建州克一寨遣其子得兒革召州來告捷
四十七年正月援遼師征調大集朝議恐師老財匱欲其速
戰楊鎬皇逸計無所出輔臣方從哲兵垣趙興邦皆不知邊
計於紅旗催戰從哲復遣鎬書促之鎬乃以二月十一日誓
師遼陽分兵四路山海關總兵杜松率都司劉遇節等從撫
順關出塞趨瀋陽攻其西分巡兵備副使張銓監軍總兵馬
林率遊擊麻薩丁碧等從靖安堡出塞趨開鐵及都司實永

大興傅氏長恩閣鈔本

澄督北關之眾攻其北兵備道僉事潘宗顏監軍通判董爾
福贊理前將軍總兵李如柏率泰將賀世賢等從鴉鵲關出
塞趨清河攻其南泰議問鳴泰監軍總兵劉綎率都司祖天
定等從驛馬佃出塞趨寬奠及都司喬一琦督朝鮮之眾攻
其東兵備副使康應乾監軍推官魏之龍贊理四路計兵十
萬瀋陽路最衝復以保定總兵王宣趙夢麟並隸杜松戲下
原任總兵官官東忠駐遼陽總兵李光榮駐廣寧策應警畢
畢撫順陣逃指揮白雲龍以徇期二十一日先後出師會大
雪迷徑諸軍乃改期二十五日杜松知敵未可乘說楊鎬不
聽松密上書當事冀緩師李如柏遠其使責之不達劉綎昔
與鎬共事朝鮮素不協綎得檄亦以地形未諧請鎬怒曰國
家養士正為今日若復臨機推阻有軍法從事耳惡一劄於
軍門綎不敢請時兵未發而師期先泄建州得預為備曰憑
爾幾路來我只一路去三日甲申朔杜松出撫順越五嶺關
直抵渾河日暮軍欲止不聽遣人視河水不及馬腹而河中
橫小舟數十松喜氣益銳裸騎徑渡索請甲松笑曰入陣被
堅非夫也吾結髮從軍今老矣不知甲重幾許麾兵而進士
卒皆解衣涉水齊於胸松兵前獲十四人焚克二寨乘勝明
日進二道關山勢崎嶇過建州兵可三萬騎松登山顚呼飲
飲已出戰林中伏發松血戰哭國自午至酉不解而車營鎬
砲兩陣渾河不得渡蓋建州兵知松最勇先墮渾河上流俟
半渡決之而松方氣盛乘銳直前後軍分為二不覺也建州

悲精銳扼松會日暮黑霧障天前後萬炬忽明松矢盡道窮與王宣趙夢麟等俱殲焉軍盡覆松榆林人守陝西與胡騎大小百餘戰無不克捷敵之呼為杜太師而不名被召過潞河祿示人曰杜松不解書第不若文人惜死體創如疹潞人為揮涕松方出師牙旗折為三識者憂之李如柏陽灑酒拜送曰吾以頭功讓汝松慷慨不疑臨行携拒械自隨曰吾必生致之句令諸將分功也如柏復遣人語之曰李將軍已自清河抵敵寨矣松踴躍向前卒陷沒既敗楊錫欲掩己罪猶言松違律喪師撫按周永春陳王庭亦如之或曰如柏故置奸人為松鄉道陷之也開鐵總兵馬林改由三岔出塞屯稗子石夜聞杜松兵敗軍中逆譁及旦而建州兵乘勝來

明史紀事本末補遺卷一

十三

攻林急引去監軍潘宗顏殿後與遊擊寶永登麻巖守備江萬春通判董爾璠等屢戰死之初林未出守顏上書楊錫曰馬林庸懦不堪一面之寄乞賜別帥而以林遂作後應不聽果敗劉綎兵出馬家寨口深入三百餘里連克十餘堡軍聲大震資子劉招孫以孤軍之援請退師綎曰汝視楊錫魯肯勸遣我輩耶報主致命正在今日軍次清風山建州兵得杜松疏矢使諜馳報之令亟來合戰綎曰同大帥乃傳矢裨我哉諜曰主帥因事急取信目綎曰始不約傳砲乎諜曰塞地峰巒不便此距建州五十里三里傳一砲不若飛騎捷也綎首肯諜還報遠立傳砲綎軍意松先登疾趨之建州兵假杜將軍旗幟奄至綎不之備遂闖入陣陣亂綎中流矢傷左臂

大興傅氏長恩閣鈔本

又戰復傷右臂綎猶鏖戰下已自巳至酉內外斷絕綎面中一刀截去半頰猶左右衝突手纖數十人而死劉招孫救之亦死遊擊喬一琦血戰三日夜建州兵必欲生致之投崖而死朝鮮裨將金應河據山為營嚴銃拒敵朝鮮兵善火器習銃木牌並列如堵開穴置銃陣甚堅俄風霾銃不得發兵大至應河猶據胡床持大弓射之力屈死其帥姜弘立金景瑞降綎初留尉文為從繼擁眾不敢進竟還牛毛寨綎南昌人父顯嘉靖間名將也綎驚勇善大刀每上陣輒呼二近侍收網繩飲酒斗餘網入內數寸兩目瞋出如電援朝鮮擒岳鳳平楊應龍功為諸軍冠與杜松齊名是役也經畧意亦初不在戰虛張捷伐冀取近寨小捷得塞軍書而劉杜俱宿將有

明史紀事本末補遺卷一

十三

擊王庭之志遂轉戰深入遇伏盡沒三路元喪師九萬馬四萬輜重器械無算惟李如柏竟以經畧令前退保開鐵不見一敵而還報至舉朝震駭援免諸部乘機沿河挾賞建州游騎窺清河藩陽間初四路之出朝鮮遣將將萬人從劉將軍先登盡殲而北關於朔三日方以二千騎赴三岔則三帥已陷沒矣時建議皆謂李如柏憂懦不堪登壇是役連獨全疑有謬巧巡撫都御史周永春請都督李如楨代將京師計偕孝廉五六人交薦之給事中李奇珍以李氏世將恐開藩鎮之漸爭之不得竟以如楨往初李氏當成梁盛時所招致健兒甚眾恣其所好凡衣服飲食子女第宅及呼盧狹邪之類俱曲以濟之有求必予或責以零勦叔帳或責以禦敵先

大興傅氏長恩閣鈔本

登計級受賞卽除前貸故人樂為之死而是時江陵張居正當國以法繩天下尤留心邊事成梁晉爵實遠伯以金貽之居正語其使曰而主以百戰得功名我受其金是得罪高皇帝也却不收故其時雖多苛察人奉法惟謹萬曆中神宗深居不出李氏之費養健兒者漸移以結朝貴凡撫按出都必預有以結之至則相與雷同任其欺蔽凡山人墨客求朝貴書出遊者必以李氏為利藪李氏子弟恣意聲色婦人出遊騎若雲錦而功名衰矣成梁如松既歿如柏輩皆歿跨子既弱且衰父兄之風無一存者廷議猶以李氏兄弟與建州世舊冀摩制之不知其相怨最深如柏如楨相繼敗而遼事益不可為矣如柏尋難經死如楨亦論辟繫獄崇禎間得釋

明史紀事本末補遺卷一

十五

遼論成梁功襲爵

陳子壯曰甯遠伯李成梁馳驅疆場四十餘載先後血戰上首功一萬五千拓地七百繫連把亥阿台擒王果皆名渠雖長雖古衛霍之功何以加茲或以其棄地誤國大抵謂寬奠六堡耳夫寬奠本成梁開拓地名張其哈喇海子中外沃壤一望膏腴時邊地稍寬漢兒往往出塞掘參生聚日繁輸稅於建州成梁遣韓宗功收還之而愚民安土重遷且渡河水裂南人吳大受受塢死焉深憾宗功遂以棄地之說布都下科臣聞風入告而功高不賞矣夫建州生聚教訓三十年寬奠即不棄將下為板升之績乎邊更不能守遼西而苛責成梁以棄寬奠此刀筆吏所以欺人國家也

明史紀事本末補遺卷一

十五

明史紀事本末補遺卷一終

明史紀事本末補遺卷二

熊王功罪 袁應泰張發附

神宗萬曆四十七年三月以大理丞熊廷弼馳渡遼宣慰軍民初廷弼以御史按遼策遼左必危上疏請募兵厲械收北關為戰守計而廷議多忽之不特用至是三路覆師舉朝震駭故有是命 四月建州兵入鐵嶺柴河撫安等堡 五月復大舉入撫順更以偏師竄開原鐵嶺撫安堡而新帥李如楨方與經畧總督爭相見禮不設備 六月建州兵萬騎從靜安堡入乘虛直薄開原總兵馬林等方引眾出防且倚寧援新盟之不備兵至立隣西虜方市慶雲堡間變亦結聚亮子河踰日李如楨報稱西虜三萬騎圍鎮西堡藩鐵軍民驚潰 免經畧楊鎬擢熊廷弼為兵部右侍郎兼都察院右僉都御史經畧遼東廷弼入京陛見國子司業張鳳翔疏請京營簡選鋒三千壯其行僅得千人至關門廷弼留其馬盡遣還以御史張銓巡按遼東廷弼上言遼左為京師肩背欲保京師則遼鎮不可棄河東遼之腹心也開原河東之根柢也今開原破清河棄慶雲掠鎮西國鐵嶺數城人逃亡盡矣獨遼陽瀋陽為河東孤立而昨楊鎬奏瀋陽民逃軍亦逃遼瀋何可守也然下守遼瀋必不能保遼鎮不復開原必不能保遼瀋前日之寇東有朝鮮北有北關西南有遼僅東北一道使當事不急戰役清河撫順守寬莫於柴河靖安間悉宿重兵犄角以漸蹙之敵處穴中自三路敗開原失則朝鮮北關

大興傅氏長恩閣鈔本

明史紀事本末補遺卷二

二

皆陰順之矣開原城大而民眾敵攻開原西虜即犯慶雲圍鎮西則為彼用已可知如敵以數十萬金鉅虎墩諸郭入犯昌薊宣大以綴中國不敢出京城一步然後長驅入山海關或海道取登萊天津勢所必至也乞初廷議募兵餉毋旁掣毋中格上然之仍賜尚方劍時翰林閣討丁紹斌猶致書廷弼請如范仲淹遺元昊書諭以大義寓反己自責之意廷弼得書不報司農亦以軍餉無措姑開款令郡邑捐助識者嗤之 七月杪化商十方寺堡建州數萬騎自三岔口攻鐵嶺衛從寅及長下之初開原既克鐵嶺驚潰建州最工開謀所破總兵賀世賢率兵赴之不及得零騎數十級時熊廷弼携兵八百甫抵慶雲聞西虜圍鎮西堡合侵勢甚急會兵禦之營官兒屯 命給事中姚宗文閱視遼東 八月經畧熊廷弼入遼陽斬陣逃裨將劉過節王捷王文鼎以徇設壇躬祭撫清開鐵死事將帥軍民且諭北關白金必復意上度廷弼已視事遣緹騎建楊鎬下於理御史陳王庭疏糾李如楨謂宰賽因建州陷鐵嶺引兵爭掠被執如楨竟襲西虜殘級為首功廷弼亦奏如楨十不堪謂建州陷開原飽颺捫載不能遮擊鐵嶺與宰賽爭殺不能乘其散更虛報西虜三萬圍鎮西致遼瀋驚竄顧忌調李懷信代將移開原道僉事韓原善於瀋陽從之崇禎二年楊鎬斬西市李如楨以父成梁功釋還家 建州遣疑兵綴遼師擁騎數萬直抵金台失寨自寅

大興傅氏長恩閣鈔本

大興傅氏長恩閣鈔本

至午下之隨攻白羊骨寨應時火發白羊骨寨窮蹙出降被殺
北關亡潘陽邊軍聞之驚潰廷弼亟遣守道問鳴泰往撫至
虎皮驛哭而還初開原鐵嶺相繼陷北關益孤恃婚虎墩兔
懸及援免為援既而幸賽以爭掠鐵嶺為建州所獲因繫之
以鈴制諸部故援免秒化等俱觀望不敢救九月朝鮮報
建州治牛毛寨萬遼嶺廣造攻具購秒化援免諸部寬奠鎮
江告急熊廷弼慮潘陽空虛難守決計奏保遼陽挑整潘
濠人始有固志初邊吏多剋月餉自肥軍士饑疲不能戰廷
弼斬遊擊陳倫以徇十月謀報建州遣兵詭女裝謀焚海
州軍糧絕餉道巡撫周永春以聞請增兵戍鎮江以衛朝鮮
貢道熊廷弼檄總兵柴國柱屯虎皮驛扼其衝苦餉匱還遼
陽十一月調楚蜀兵援遼永順保靖宣慰司俱中道潰石
砭宣撫司馬祥麟秦邦屏率兵數千人赴援建州數萬騎
自開原松山堡入收獲去已復擁眾入龍潭口又往開鐵駝
運塞眾熊廷弼決計堅守漸偏之策上言今日制敵曰恢復
曰進剿曰固守而此時語恢復語進剿未敢草草不如分佈
險要守正所以為戰也然守亦未易頃者臣至各邊相度敵
之出路有四東南為靉陽南清河西撫順北柴河三岔兒間
俱當設重兵而鎮江南障四衛東顧朝鮮亦不可少此險要
之大畧也四路首尾相應每路設兵三萬裨將十五六員主
帥一分前後左右各營對壘則前鋒迎之中軍繼之左右橫
擊之後軍殿之分奇正以當一面鎮江設兵二萬裨將七八

大興傅氏長恩閣鈔本

員副總兵一分屯義州鎮江夾鴨綠江而守如敵犯朝鮮四
路分據以牽之敵與四路相持則鎮江朝鮮合兵而搗之此
聯絡之大畧也清河撫順三岔兒山多漫坡可騎步並進當
用西北兵寬叢林署險阻可專用川土兵鎮江水路之衝當
兼用南北兵此兵將之大畧也善行師者行必結陣止必立
營於故易糧兼作退步且兵隨各帥往塞上遼城空虛宜再
設兵二萬駐遼陽以壯中堅海州三岔河設萬人聯絡東西
以備後動金復設萬人防護海運以杜南侵各邊盡疆而守
小警自為堵截大寇互相應援選其精悍者迭出以挽之此
征行居守之大畧也敵兵計十萬今議官兵十八萬此毫不
可裁者上是之時遼事棘公車章滿率朽腐不適用廷弼身
歷各塞決計坐困欲改趙充國制西羌而言脫於口尋掣肘
國家所用人欲卵出西效否且白蘭隨之卒以大壞十二
月命總兵劉光胤駐海州犄角遼陽麻承恩駐三岔河援廣
甯是年天下加賦八百萬遼餉三百二十四萬車三萬七
千輛牛七萬四千頭關門日造器械遼東餉司歲五百餘萬
四十八年春正月朝鮮告急初建州遣使通朝鮮不從乃分
兵攻滿浦等堡命遼東援之兵部督畫主事劉國縉蘇斯
兵分戍鎮江寬叢清河等處全伍皆逃熊廷弼上言以遼東
遼之說屢試不驗失遼瀋撫清鎮江寬叢皆敵衝不多置兵
無以當其出入而議者多主責精之說屯聚一處相去數百
里必不能濟事三月遼陽火藥局災四月謀報建州潛

師海蓋欲誘總兵賀世賢往援因急攻遼陽秒化詐稱建州內變以懈我師建騎運鎧仗赴遼河又收江夷窺海道熊廷弼以兵力稍集主守瀋陽漸進逼之建州兵未敢深入乃誘伯要兒歹青等脫河西徐圖乘敵釋率賚往會兵遣王子同李永芳時引輕騎出沒 五月西虜萬餘騎攻圍沙嶺堡總兵李先榮救至圍解 六月經畧熊廷弼以四百騎歷撫順清河巡邊經程益阻之不聽建州乘經畧離遼陽以萬騎由撫順闕萬騎由東州堡深入至渾河總兵賀世賢以三百人屯瀋陽柴國柱以二百人屯奉集拒却之廷弼歷鳳凰城而還建州兵旁畧山城克花嶺許毛子山等寨 七月熊廷弼初免兵部贊畫主事劉國縉廷弼初至遼勇於任事號令嚴肅身自偵探將士多畏而服之遼事幾振然負才使氣多謾罵人時朝貴皆碌碌徒以臺省之焰凌人不復念國事姚宗文以科臣往閱視贊畫劉國縉者舊臺中以攻道學與熊姚皆同類也然熊頗獨立自許姚劉皆以夙好望之彌相失劉主用遼人而熊謂遼人不可用與相詈既而劉罷職姚歸朝逐熊之議遂起矣

明史紀事本末補遺卷二 五

光宗泰昌元年即萬曆四十八年也八月以袁應泰巡撫遼東 九月建州兵入撫順蹂躪而去御史馮三元疏參經畧熊廷弼大畧言開鐵被陷禾糧鳩積廷弼不能簡輕騎齎還北關告急道臣欲以萬人往援廷弼不聽遼人礦兵可用而不用健兒戰士不以殺敵而以執工廷弼上疏自理曰開鐵

大興傅氏長恩閣鈔本

委棄禾糧臣抵遼即行各總兵收到不能則焚之而李如楨竟不肯往臣於憤屢見疏讀北關報至開原道韓原善方駐瀋陽軍民一呼而散亟遣分守道閔鳴泰往赴之至虎皮驛痛哭而返是時止此兩道而三元言道臣欲以萬人往不知道臣屬誰且鐵嶺不能援而侈言援北關此欺三元者過也備守開原臣始終謂是要著然所殺軍丁皆其守城不能戰者如柴賀李三軍實未用也若云必惟敵是求是復為合前之催矣贊畫新兵聞江潮聲即奔潰東山礦徒趨利則有應兵則無微三元言臣不知遼人礦兵可用也疏上三元及御史張脩德給事中魏應嘉交章駁之熹宗即命應嘉等往遼勘明給事中楊漣言勘事不宜遽原疏官乃改命朱童蒙往

明史紀事本末補遺卷二 六

廷弼雖尚方劍席臺侍罪以巡撫袁應泰經畧遼東熹宗天啟元年二月御史周宗建上言遼事之壞不壞於無兵無餉經畧將帥之無人而壞於大臣之無識方撫順失事楊鎬十萬之師征集塞下此時脩築撫順守隅觀變此定算也而輔臣一言督戰全銳俱亡則宰相之無識也既敗之後唯有亟脩開原聯絡北關為死守計此定算也而輔臣漫無經畫推轂一紙誇之李如楨開鐵既陷北關淪亡則又宰相之無識也既而起熊廷弼於田間鑿壕峻堞瀋陽屯奉集相形勢布聲援使敵騎不敢深入人方有固志而閱視姚宗文一遣用夷之言不效同舟之劍遞與今日新臣受事壁壘初更唯有守廷弼已致之規絕敵人中土之市使其退有饑

大興傅氏長恩閣鈔本